



Tir Yimym

www.tiryimym.in

Regd. No. RNI. NAGAAO/ 2004 / 13113. Postal-NE/RN-717.

e-mail : tiryimym@gmail.com

TAPAK 8

Yangia anidakangma :



Tir Yimym



tir_yimym



tir yimym

TAPAK 3

**Tetsür football asayartem rongnung
Rodman sen timtiba aahba asayar kümogo**

**PM Modi-i mapa nung
shimba shidi 61,000 agütsü**



VOL. XXIII ISSUE NO. 102 (ADOK 102) DIMAPUR AMUNGNÜ (SUNDAY) AENJETI (JANUARY) 25, 2026

₹ 5.00

NST nung ochimashi inyakba ken o adoka lir

Dimapur, January 24, 2026 (Agencies): Dimapur nung Nagaland State Transport (NST) General Manager office ajanga ochimashi inyakba ken o ka adoka lir.

Tawa NST recruitment examination nung takok anguba candidate shia dang Rs 10,000 meshia agi ta tai tongloktür. Iba osang ya candidate temi ashi aser parnok ya tang training tagidak lir. Parnok dangi GM office ajanga phone asü aser December 12, 2025 nü parnok original documents bener arua mapa nung adentsü ashi ta candidate temi ashi.

Parnok mapa nung adentsü atema aodang paperwork atema Rs 10,000 bener arutsü ashi.

Parnok ket nung sen meliaka tanga lenmang kecha maliba agi tsüraburtem dang mesüra kinungertem dang sen apua agütsü ta candidate temisa ashi.

NST-i September 12, 2025 nü osangkakettem nung recruitment advertisement ka agüja liasü. Iba nung bus conductors 13, mechanic helpers 9 aser multi-tasking staff post 1 atema shia liasü.

Iba tatidang atema Rs 100 fee meshi aser November 18 aser 21 tsüngda oral interviews agia liasü aser November 27 nü results sangdong.

Iba tatidang nung shimtetba mechanic helpers tang NST Central Workshop aser NST station Dimapur nung training tagidak lir.

School tasen aika lapoker; aika shibanger

Dimapur, January 24, 2026 (TYO): State Level Education Committee (SLEC)-i December 19, 2025 senden nung nija school lapoktsü atema provisional permission, government schools ajungkettsü, school tem lokteptsü, shibangsü aser testüba tetuyubatem meyipa agitsü lemtet balala agiogo ta Department of School Education (DoSE)-i metetdaksüogo.

SLEC-i Nagaland kübok nija school 23 tashi lapoktsü temeleta agütsüogo aser iba ya October 30, 2018 nü Department ajanga lateta aliba inyakyim atongba ajanga agütsüba lir ta DoSE-i ashi.

Nija school tasentem- Kohima district nung St Apostolic Mission Residential School, Ward 11, Khuva Road; New Ebenezer School, United Village, Ward-19; Emerald School, Ward-7; St Mary's School, Singrijan; Patkai Valley Academy; and River Life School, Naga Colony, Burma Camp in Chümoukedima and Dimapur districts; Arete Foundation School, Padumpukhuri; Raindrops School; Wonderbeats School, Upper PWD Colony; Heartshome School, New Police Reserve, Phesama; aser Nakicha Academy.

Mokokchung district nung Moria Mission Jubilee School, Longsa, Mon district nung Step by Step School, Lapa Lampong; Sycamore Tree School, Yannyu; El-Shaddai School, Aboi Town; Bangjum Primary School, Longzang Village; Royal School, Phomching; Shakam Brighter School, Longwa; aser Bangjum Primary School aser Phek district nung Nyahnyu in; Green Hill School, Chepoketa.

Maneni, Tuensang district nung Saint Edmund's School, Chungtor Village; Zunheboto district nung Bright Wave, Tokiye Town aser Meluri district nung Shilloi Lake School, Letsam lir.

SLEC-isa government middle schools 7 tashi government high schools jenjangi ajungketogo. Itemji Kohima nung GMS Daklane aser GMS Phezoucha, Niuland district nung GMS

Pihekhu, Noklak district nung GMS Noklak Station, Phek district nung GMS Rukizu (Pfutsero), Peren district nung GMS Jalukie Town Sector B, aser Tuensang district nung GMS Tuensang Village lir.

SLEC-isa government schools 17 tashi lokteptsü telemtetba agiogo. Itemji GPS Kisetong den GPS Kisetong Sector 'B' Village (Kiphire district); GPS Longmatra Town Station B den GPS Longmatra Town Station A; GPS Anatonger den GMS Anatonger; GPS Khono Thevo den GPS Chayagei (Kohima district); GMS Kruoliezou den TM GHSS; GPS High School den RGHSS, Kohima; GPS Kandinu Sector B den GMS Kandinu Upper (Tseminyu district); GPS Pangti B den GPS Pangti (Wokha district); GMS Yongchuchho den GMS Sunglup; GMS Tsopo den GMS Meshangphen; GPS Yannyu Village den GMS Yannyu; GMS Pfutsero den GHSS Pfutsero, (Phek district); GPS Zhavame A den GMS Zhavame; GPS ChesezuNasa den GHS Chesezu; GPS Shiponger-A den GPS Shiponger B (Shamator district); GHS New Chingmei den GMS Chingmei (Tuensang district); aser GPS Meluri Town den GMS Meluri Town (Meluri district).

SLEC-isa 2026-27 academic session nungi government primary aser middle schools 34 tashi shibangba osang metetdaksüogo. Iba ya zero enrolment mesüra non-functioning ajanga lir.

School tem- GPS Old Monger, GPS Shishimi, GPS Keor (Kiphire district); GPS Yongshei B (Longleng district); GPS Anaki A (Mokokchung district); GPS Kongan B (Mon district); GPS Tohokhu (Niuland district); GPS Chesezu Nasa (Phek district); GPS Yisisotha aser GPS Ngazu (Meluri district); GMS Sangdak (Tuensang district); GPS Kelongru (Shamator district); aser Wokha aser Zunheboto district nung school kar.

Dimapur Rozgar Mela nung lanur 366 nem appointment letters agütsü



Dimapur, January 24, 2026 (TYO): January 24, 2026 nü Dimapur nung Assam Rifles Training Centre and School nung Rozgar Mela indang 18th tranche agiogo.

Iba sentong ya Central sorkar mapa balala angur nem appointment letters agütsüba indang liasü. Sentong nung Union Minister of State for Rural Development Kamlesh Paswan-i tongti tesemdang ama shilem agia liasü.

Union MoS Kamlesh meina Commissioner & Secretary, Rural Development Thavaseelan K, IAS den Ministry of Home Affairs aser district administration ketdangsürtem aden.

MoS Kamlesh-i iba sentong nung appointment letters angur nisung 366 nem tenüngsang agütsü.

"Item shiditem ajanga mapa anguba dang masü saka linüki lanur dak temulung alemba, tebilemsü khuret agütsüba aser imlaba densema lir. Anungji nenoki ochishia, tashi angaa aser pei pei lemzüka mapa ajanga public tenzüksü ayongzüker" ta pai ashi.

"Lanurtemi Assam Rifles, CRPF, ITBP, SSB aser tanga Central Armed Police Forces nung shilem tajunga agir aser nenoki linük telongem, security aser yimjung kümzüka ayutsüla. Tan shilem nung tetsür candidate aika shimba atema kanga pelar aser iba ajanga sorkari tetsüri aniba terenlok asoshi tenangzüka aliba sayur" ta MoS Kamlesh-isa ashi.

"Centre sorkari youth empowerment aser rural development nung temulung agütsür aser item asoshi VB-GRAMG, Pradhan Mantri Awas Yojana, self-help groups o skill development programmes tenzüka lir. North-East ya national development nung tongti lennir ka kümogo aser talisa Nagaland nung connectivity aser infrastructure tajungba kümogo" ta paisa shisem.

"Sorkari lanur ajak nem maongka agütsüsü tenangzüka lir kechiyong democracy akangshitsü aser linük tejakleni aotsü atema lanur nüngdaker. Mapa nung shimokba lanurtemi India renlokba aser tajungba yangerba nung shilem tajung agitsü amanger" ta paisa metetdaksü.

Paisa lanurtem dang Viksit Bharat @2047 mangdang dak rangloker linük yangerba nung shilem agitsü aser sensotem tsüngdang ochishitsü, tashi angatsü aser aria bilema inyaksü ayongzüker.

Iba sentong ya national Rozgar Mela programme den live sendaktepa liasü. Iba sentong nung Prime Minister Narendra Modi-i mapa nung shimokertem den jembi.

Rozgar Mela ya linük kübok tesem 45 nung külemi agia liasü aser idangki India kübok tesem balala nung appointment letters 61,000 shi agütsüogo.

MoS Kamlesh Paswan-isa yashi Nagaland nung rural development schemes inyakba meyipa reprangdangogo.

Paisa Dimapur district nung Deendayal Antyodaya Yojana-National Rural Livelihoods Mission (DAY-NRLM) inyakba asadanga liasü.

Iba mission kübok tetsür 13,409-i Self Help Groups (SHGs) 1,665 tenteta lir aser parnok nem Rs 3,985.72 lakh teyari agütsüogo.

Dimapur district nungsa Community Resource Persons 1,006 lir aser item ajanga livelihood aser financial services agütsür.

Dimapur nung Lakhpati Didi initiative kübok tetsür 425-i Lakhpati status tongtetogo aser parnoki farm aser non-farm livelihood maparen ajanga küm nung Rs 1 lakh nungi Rs 3 lakh tashi aazüker.

State jenjang nung Nagaland State Rural Livelihoods Mission (NSRLM) ajanga Lakhpati Didi Initiative kübok mapajunga inyaka arudar. State Mission-i Lakhpati Didis 30,000 alizüng ayuba nungi SHG members 33,000 tashi Lakhpati Didis akümtsü jangiatetogo. Iba nungi tetsür 5,483 tashi Lakhpatis kümogo aser parnoki küm shia Rs 1 lakh nungi Rs 5 lakh shi aazüker.

Iba senden nung Thavaseelan K., IAS, Commissioner & Secretary, Rural Development Department, Nagaland; Dr. Tinojongshi Chang, Deputy Commissioner, Dimapur; Polan John, Deputy Commissioner, Chümoukedima aser M. Mongna Konyak, Director, Rural Development Department nung aden.

Davos nung Donald Trump'er 'Board of Peace' tentetogo

New Delhi, January 24, 2026 (Agencies): Davos, Switzerland nung Brihostibarnü US President Donald Trump'er Board of Peace tentetogo.

Board of Peace ya Executive Council kati len anitsü aser founding chairman ji Trump asütsü.

Iba council nung züngsemtemji - taoba former British prime minister Tony Blair, Trump'er jala kinungbo Jared Kushner, US Secretary of State Marco Rubio, US special envoy to the Middle East Steve Witkoff, financial firm Apollo Global

Management CEO Marc Rowan, , World Bank Group President Ajay Banga aser US Deputy National Security Adviser Robert Gabriel nung lir.

Donald Trump-i ashiba agi Middle East nung yimjung bener arutsü atema linük 59-i mapa inyadkar ajisüka parnok ajak Board of Peace nung adentsü asü masü meshiteter.

Tang tashi linük 35-i Board of Peace nung adentsü mulungogo aser iba nungi parnok 20 shi kati tetenzükdak denogo.

Davos nung January 22, 2026

nü Board of Peace nung adenertem- Israel, Saudi Arabia, United Arab Emirates, Qatar, Bahrain, Jordan, Egypt, Morocco, Hungary, Albania, Belarus, Belgium, Bulgaria, Kosovo, Turkey, Pakistan, Indonesia, Vietnam, Kazakhstan, Uzbekistan, Mongolia, Armenia, Azerbaijan, Argentina, Paraguay aser United States.

Board of Peace nung linüktemi küm asem kümsük atema tenzüksü akok aser peace-building fund ka atema \$1 billion fee agütsür permanent seat angutsü akok.

5buba DUCCF inti senden menogo



Dimapur, Aenjeti/Janaury 24 (TYO): Dimapur Municipal Council, chairman Hukheto Yephthomi-i ashiba agi, lokti ya asen sobaliba aser lokti tentet tongtoret lir, koba ajanga tamang katetba, kati ya yaritepba tali adokdaksür.

Dimapur Town Hall nung Honibarnü 5buba Dimapur Urban Council Chairmen Federation (DUCCF) inti senden nung alakteta jaoker ama o jembiba mapang Yephthomi-i, lokti lenirtem dang

pei yimtsüing aser kin dak dang merangloki tebandang maliba tashitait lokti ka yangertsü atema inyaksü ajungshia liasü.

Pai ashiba agi, asenok ajak ya nüburtem tenüing nung nokdakertem lir aser Dimapur nung alirtem atema longjemer inyaksüji asen mapa lir. Tetsükdaksütem ajangshitsü, saka asen nüburtem tenüing nung nokdakertem ama iba ya asen khuret lir. Asenoki koda tangar asoshi khuret bendir asenok kati ka atema khuret

benteper, ta pai ashi.

Dimapur nung aliba nüburtem atema bendanga agüja inyakba atema pai DUCCF nem tenüingsang agütsü.

Dimapur Urban Council Chairmen Federation (DUCCF) tir Zasivikho Zakiesato tang agi tanabenbuba 2026-2028 term atema tir asütsü shimshiogo.

Pai ashiba agi, lenisüba ya jenjang atema masü saka tenzüksüba atema lir. Nüburtemi asenok dak tamang ayuba ya kanga dang temeshi lir. Asenoki pei tejangraba sentoka toktsür nüburtem aser Dimapur yimji yimjung atema anibelem mesasai meranga inyakti, ta pai ashi.

DUCCF ya nüburtem tejangraba kümzüka ayutsü aser yimti anep anepa yimsü asütsü atema stakeholder ajak den longjemer inyaksü nükjidong nung tentetba lir.

Sentong nungsa Naga Council Dimapur tir GK Rengma, Kohima Municipal Wards Council (AKMWC) tir Thejao Sekhose aser All Ward Union, Mokokchung Town tir Limasashi Ao nungeria o tatsütsü jembia liasü.

DALT-i Western Sumi lokti tentettem nem tenüingsang agütsü

Dimapur, Aenjeti/January 24 (TYO): NSCN (Khango-Vusshe) teloki ozüing alema inyaksangshiba atema Western Sumi lokti tentettemi tongtibang jenjang agia iba telok nem ken o metongshitsü asoshi ghonda 48 atakzüksüba Dimapur Ao Lanur Telongjemi pelashishia agizüogogo.

Iba jenjang agiba ajanga ken o dak sendaka alir ajak dang ozüing alema inyaksangshiba aser amokmerenba lokti-i joko magizüker ta osang tejangja ka agütsüogogo.

DALT-isa, iba tatlokba ajanga Dimapur aser tanga tesemtem nunga tashi aser tasü ita nokdaksü asoshi loktitem tenük lapoktsüogogo, ta ashi.

Kümtem tsüingda tenokdangba maka telungpur teloktem tali akümba ajanga nüburtem kümzüka melei akümba den, tamang makateti kümdaksür aser yimjung nung aliba minpronger. Ajem ajema aliba mesüra jenjang magiba ajanga iba amala tashitem tali tasü itdaksür. Yimjung asoshi chichiba tejangraba lira, ozüing alema inyaksangshiba anema ajak longjemer nokdaksüla, ta kasa sangdong ajanga metetdaksü.

DALT-isa, Commissioner of

Police Dimapur, Aotula T. Imchen IPS-i anir Dimapur Police Commissionerate-i mapang shitak nung jenjang tapet agia item ozüing alema inyaksangshirtem amendaker inyaksangshiba tesem meita aoba atema tenüingsang agütsüogogo.

Mapang shitak nung temzüing ozüing benoka inyakba ya lispour ajaki nongita yaritsüla. Kasa mapang nung Director General of Police, Nagaland, Rupin Sharma IPS-ia tetuyuba tejangja agütsüogogo, koba tenüing asangtsü langa lir.

Maneni Dimapur Ao Lanur Telongjemi temzüing ozüing dak ajemkdaker memonui ochi obendang agütsütsü akhanger. Puti otsü mesüra shir telok den sendaktepa lidir liang, kija aser lokti shinga daka pei mulung ka nung temzüing ozüing amshitsü temeden mali.

Linük yimjung aser tesunep nung alitsü kanga tongtibang. Telongjem, tamendakdak takang aser temzüing ozüing aküm tsübuba ajanga dang Nagaland tarutsü kümzüka yutettsü aser nüburtem tekümzükbba kübok meraketa litettsü, ta DALT Media Cell sangdong ajangsa metetdaksü.

Nagaland Contractors & Suppliers Union Hon jubilee Feb 19 nü amungtsü

Dimapur, Aenjeti/January 24 (TYO): Nagaland Contractor and Suppliers Union, head office Kohima ajanga züngsem ajak den küm tasen salem lemsatepba den Union Hon jubilee amungtsü aliba indang metetdaksüogogo.

NCSU tenteter küm 50 ajungba benjugmung taküm February 19 nü amungtsü. Iba

benjungmung sentong nung Union Minister Road Transport & Highways Government of India Niti Gadkari tongti tejaoker asütsü, ta kasa sangdong ajanga metetdaksü.

District ajak nung ketdangpurtemi anir NCSU züngsemtem ajak iba sentong nung shilem agitsü atema renema atatsü metetdaksüogogo.

Züngsem shirnok registration update mesüi ali parnok ajak dang takaratiba nung asütsü mepeshia metetdaksüogogo.

Maneni Hon jubilee mamung tsüingda shirnoksa NCSU nung züngoksemnüa ali parnok ajak pelashishia jaokba NCSU Secretary Insunok Jamir-i kasa sangdong ajanga metetdaksüogogo.

Homestay & Hospitality workshop ayonger

Dimapur, Aenjeti/January 24 (TYO): Nagaland Hotel & Restaurant Association-i ayongzüka January 26 nü anogo ka atema Skilling of Homestay & Hospitality dak sendakba nung workshop ka ayongzüka agitsü.

Iba sentong ya Nagaland Baptist College Campus, Khehokhu nung 3:00 ako nungi tenzüka agitsü, kong Sr. Tourist officer Dimapur, Kehpleno Kennao shisalen sayur asütsü.

Sentong ya office assistant,

NHRA Tolibo Awomi lenisüba nung agitsü, Nagaland Baptist College chaplain Ramyo Ningsen-i sarasademtsü aser NHRA tir Vito Aomi-i okila jembitsü. Sentong nungsa NHRA Sec. Finance Vikie Nagi-i tepela o jembitsü.

Wokha nung merekmeju sentong takok ngua agiogo



January 24 nü Wokha jila nung merekmeju sentong ayongzüka agiba mapang Departmental staff temi shilem agiba noksa nung angur.

Dimapur, Aenjeti/January 24 (TYO): Taruba 77buba Republic Day atema renemshiba mapang Wokha jila nung Honibar anepdang 7 ako nungi tenzüka merekmeju sentong ka ayongzüka agiogo.

Iba merekmeju sentong ya

Wokha Deputy Commissioner office-i ayongzüka agi, kong Department tekolaktem aser nüburtemi kanga yakyaka shilem agiogo.

Merekmejug sentong ayongzüka agiba mapang jila

kübok tesem balala merekteta linük ajunga benjungmung atema renemshiogo. District ketdangsürtemi achaayanga tesem balala merektet, kong jila nung alirtemia shilem tajung agia liasü.

5buba Rüsoma naring benjung Jan 30 nü tenzüksü

Kohima, Aenjeti/January 24 (TYO): 5buba Rüsoma naring benjung 2026, January 30 aser 31 nü Riisoma Local Ground nung amungtsü.

Riisoma ya state yimtiba Kohima nungi km10 shi pilar lir.

Taküm iba benjung ya "Abundance of Rüsoma," omen nung ajemdaker amungtsü. Benjung mapang Rüsoma nung naring kanga junga adokba indang nüburtem nem metetdaksütsü aser iba den agri aser horticultural organic product aser handicraft tem sayatsü.

Tanü Vivid Lounge, Kohima nung osangbenertem den sensaksemba mapang Neisatuonuo Zhale-i ashiba agi, bejung mapang sobaliba sentong balala agitsü, saisabong balala asayatettsü aser fast food, local chiyongtsü, naring saplings amala ayoktsü atema stall balala amenoker alitsü.

Sources-i ashiba agi, Rüsoma nung mezüingbuba naring tetong ya 1941 aser 1942 küm atem asütsü ta bilemer.

Iba sülen 1986 küm Rüsoma ya Gardening village ama adopt süa sangdonga liasü.

2020 küm mezüingbuba Rüsoma naring benjung munga liasü.

Iba benjung ya yimtsüing ajangzükdaksütsü, rural entrepreneurship ajungmesotsü aser naring alu ayimertemi meranga inyakba tushitsü aser Rüsoma nung atangba naring ajak nem meteta kümdaksütsü

nükjidong nung ayongzüka amunger.

Anogo ana amungtsü aliba benjung ya Rüsoma Village Council aser Agriculture, Horticulture, Rural Development amala department balala tawabangba kübok amungtsü.

Benjung lapokba sentong ya January 30 nü 10 ako nungi tenzüka agitsü, kong H. Tovihoto Ayemi, advisor, Department of Tribal Affairs & Election alakteta jaoker asütsü.

Benjung mapang tayoker aser naring jenjang apir naring ya seret nung timtiba agi sen 140 agi ayoktsü. Benjung ayongertemisa naring alu semdangtsü jangrartem anir senzütsü asoshi anepalutsütsü.

Kasa mapang nung Neimezo Tachii-i ashiba agi, yimtsüing nung kibong 570 aliba nungi kibong 470-ibo naring alu ayimer. Yimtsüing nung taruba küm trok tenet tashi nungbo naring alu hectar 100 shi nungbo ayimtsü imlar.

Taoba küm yimtsüing nung naring tetong 4000 atem aser taruba küm trok tenet tsüingda süngjang lakh 25 shibosa aongtsü imlar. Naring ayokba ajanga küm nungi lakh 43 shi aahzüker.

Küm nung karibo sen lakh 10 shia aahzüker aser kari lakh 3 aser 4 aahzüker. Taküm anogo ana benjung amungba mapang sen lakh 40-50 tsüingda aahzüksü imlar, ta benjung ayongertemi ashi.

PM Modi-i mapa nung shimba shidi 61,000 agütsü

New Delhi, Aenjeti/January 24 (Agencies): Honibarnü New Delhi nung 18buba Rozgar Mela nung Ato kilonser, Narendra Modi-i lanur 61,000 nem mapa nung shimokba shidi agütsüogo.

Video conferencing ajanga iba sentong nung jembidang Modi-i, mapa nung shimba shidi agütsüba ya "linük yangerba nung shilem agitsü jaokba" nenshia metetdaksüba lir, ta ashi.

"Küm tasen tenzüka nenok taküm nung tepela bener arutsüogo. Yashi Basant Panchami mongogo aser tanü nenok taküm nunga 'vasant' tasen ka tenzükogo. Nenok teinyaksü mapaji linük temzüng den sendaktepa lir. Tang ama mapang nung Republic-a amonger. Yashi January 23 nü asenoki Subhas Chandra Bose asoba anogomong, Parakram Diwas mongogo aser asüng January 25 nü National Voters Day amongtsü," ta pai ashi.

Rozgar Mela sentong nungji Union Minister Jitendra Singh den Indian Police Service (IPS) officers, CRPF aser defence ministry nungi ketdangsertema aika aden.

"Linük temzüng ajanga Jana Gana Man ya linük naklu ken aser Vande Mataram ya linük ken asütsü tanü agizüka liasü. Tanü ama kanga tongtibang anogo ka nung lanur meyrjang 61 dak temai mapa nung shimokba shidi angur. Ano külenbo iba shidi ya linük yangerba nung shilem agitsü jaokba shidi ka medem lir," ta pai ashi.

"Iba ya India tejakleni aotsü atema 'sankalp patra' lir. Na aser nü den külem tenzükertemi iba linük defence tajungba kümdaktsütsü aser asen healthcare den shisaliok tashitaitba kümdaktsütsü. Ano kari energy security tashi itdaktsütsü," ta Ato kilonseri ashi.

"Ni yangi aliba lanur ajak nem tenüngsang agütsür. Medemertem, sempet balala aliba lanurtem den adenba aser lanurtem nem mapa maongka agütsütsüji asen sorkar nukjidong lir. Sorkar mapa ya "mission mode" kümdaktsütsü atema Rozgar Mela ya tenzüka liasü. Tesüiba küm ishika tsüngda Rozgar Mela ya reju ka kumogo, koba ajanga sorkar department balala nung lanur lakh aika nem

mapa nung shimoka shidi agütsüogo. State balala nung tesem 40 nung Rozgar Mela sentong agir. Tanü lanurtem ni pelaa agizüker," ta pai ashi.

"India nung lanurtem nem tashi agüja mapa maongka agütsütsü atema ozü sorkari maneni inyaker. Iba dak sendakba nung India-i linük aika den shishilembaba aser mobility tezüngzüktep agir," ta paisa metetdaksü.

India-i alima tesem balala nung aika den shishilembaba dak sendakba tezüngzüktep agiogo, item rongnung Europe aser North America nung aliba linük aika densema lir, aser tang India-US free trade agreement (FTA) atema-a jembidar, ta pai metetdaksü.

India nung startups dak sendakba nung Modi-i, "Startup ecosystem nung lanur lakh 21 mapa nung aniokogo. Tanübo register süa aliba startups lakh 2 lir aser yangji lanur lakh 21 mapa inyakdar. Yamaji Digital India ya-a rongsenkettzüng lenmang tasen ka lir. Animation aser digital media ama sectors nung India ya tiyongtsü tesem ka kumogo," ta paisa shisem.

Telangana nung ita ka tsüngda azü 900 dak tali tepsetogo



Hyderabad, Aenjeti/January 24 (Agencies): Telangana state kübok Jagtial district nung azü tasümgang 300 shi nguogo aser ibaji densemabo tan ita kija nung state nung kibur maliba azü 900 shi tepsetogo.

Hyderabad nungi kilometer 200 shi pilar aliba Pegadapally nung Brihostibarnü azü tasümgang 300 shi angu, aser ibaji yimdak sarpanch tetuyuba nung tepset südi ta melung malemer, ta shiruru temeden atema inyakerteri metetdaksü..

Azü aika tepsetba atema Kamareddy nung sarpanch trok anema ken o benoka lir.

Stray Animal Foundation of

India nungi Preethi Mudavathi-tashishiba ken o agütsüba nung ajemdaker police-i yimdak sarpanch aser gram panchayat secretary na den tangarterem anema Prevention of Cruelty to Animals Act, 1960 nung ajemdaker FIR benok.

Osangbenertem den jembidang Preethi-i, azü tepsettsü atema tetsür anati azü nem mozü tesashi ajem totsü, ta yimdaklirtemi la nem metetdaksü, ta ashi.

Tesüiba hopta ishika tsüngda Kamareddy, Hanumakonda aser Ranga Reddy district tem nung azü tasümgang aika nguogo.

NAGALAND JAPAN

CONNECT2026

Build Connect Progress

BUILDING FRIENDSHIP, CONNECTING
OPPORTUNITIES & PROGRESSING TOGETHER

An Investment Promotion initiative of the Government of Nagaland

- CAREER OPPORTUNITIES IN JAPAN
- JOB INTERVIEW WITH JAPANESE COMPANIES
- TESTIMONIALS
- CULTURAL ACTIVITIES
- PROMOTION OF 'MADE IN NAGALAND' PRODUCTS
- B2G NETWORKING FOOD STALLS & POP UPS
- MOU EXCHANGES

SCAN TO REGISTER

For more information & registration contact:
+91 82579 32918 / +91 76308 10055
nagajapanconnect@gmail.com
<https://forms.gle/8q6qotC7AJwVChYT7>

EU Tir, Ursula von der Leyen India tonga aruogo



January 24, 2026 nü New Delhi nung Minister of State for Commerce & Industry and Electronics & Information Technology, Jitin Prasada-i European Commission Tir, Ursula von der Leyen agizükdang tangokba noksa nung angur.

New Delhi, January 24 (Agencies): European Commission Tir, Ursula von der Leyen India nunger semdang; la pelaa Republic Day sentong nung agizüker. Minister of State tongti tesemdang ama for Commerce & Industry adentsü atema Honibarnü and Electronics & Information Technology, European Council Tir Jitin Prasada-i la agizük. Antonio Luis Santos da Alima nung democracy tulutiba ana ama India aser EU na tsüngda temelung tejaoker ama adentsü. lemtep nung ajemdaker tesendaktep tera yanga lir," ta metetdaksü.

Ursula India tonga aruba mapang nung Minister of State for Commerce & Industry and Electronics & Information Technology, Jitin Prasada-i la agizüka liasü.

Ministry of External Affairs (MEA)-i X ajanga, EU Strategic Partnership "India-EU Strategic partnership tajungba MEA-i metetdaksü.



TIR YIMYIM YIMOBILEM (EDITRIAL)

DIMAPUR SUNDAY, JANUARY (AENJETI) 25, 2026

Tsüngremi asangba taküm

Nisung ajaki tasangba anganer aser aginer. Iba jagi asenoki aseni inyakba mapa ajak nung tangar nem junger ta südaktsüner. Atangji, alima nung alidang nisung ajaki tangari junger ta shitetsüsa alitsü merangtsüla. Ajisüaka, tangar nem junger ta shidaktsütsü kija atema bilema inyakba mapatemji, ashiko Tsüngrem tsüngdangbo majung asütsüa akok. Ibayongji, Laishiba nung 2 Korint 10:18 nung ashir, "Kechiyong shibai peisasa junger ta sangdir, pa tetemsü masü, saka Tsüngremi shiba dang junger ta shidir pajang tetemsü." Asenok tanur asüba mapang asenoki inyakba nung tsüraburtemi junger ta ashitsü yongyar. Aji oda, asenok tain akümdang asenok dang tangari junger ta ashi dang asenok pelar. Iba amaji lia-liabo asenok taküm aser kibong shitak junga alir asü maliar, ibajia dena tangari ashiba nung dang asenoki bendangtetsüsa asenok lia adoker. Shitak mesükba lenmang saka tatembangji tasüba ta asüba lenmangtem rongnung ibajia ka asütsü. Tangari junger ta ashiba kija nung temulung lemer, asenoki aiben Tsüngrem amadoker. Sentepi maoyonga, sarasadem mapang magiyonga, arogo nem tenla magütsüyonga aser temeshi kiyimba kulizüng magiyonga, tangar dang junga benshira aser ibaji nisungtemi ngua junger ta shitetra, ibaji asenok atema teperi amato asenoki bilemer. Ajisüaka, Mathi 6 nung ashir, nisungtemi tushidaktsütsü inyakertem parnoki pei tajangzük nguogo saka shibai angati ajungbaji temiimdak alitsüsa shinga nema memetetdaksüi inyaker, pa nem Tsüngremi odia moatsür. Tetezü tangari junger ta südaktsütsü atema inyakba mapa nung tangari junger ta asen dang ashibaji asen tajangzük lir. Ajisüaka, asenokbo iba tajangzük dang nung jagi tuluba nüngdaker. Aji oda, nisung kari miima Tsüngrem nem dang junger ta südaktsütsüsa inyakra parnok nembo tajangzükji yimkongi ngua moatsür. Aji oda, tangari asen mapa nung junger ta ashiba dang nungibo Tsüngremi odia moatsüabajisa tuluba lir. Alima nung tangar nem junger ta shidaktsütsü atema inyaktsübaji tasak masü ta Paul-ia meteta liasü, ajisüaka nisung peladaktsütsüsa inyakba dang nungibo Tsüngrem pelatsüsa inyakbajang takok tuluba ta angateta, nisungtemi masü saka Tsüngremi dang junger ta shidaktsütsü asoshi Paul-i meranga inyak. Aji oda, tanü asenok taküm libaliro nunga shiba nem junger ta shidaktsütsü asoshi asenok alir ? Ibaji kanga süoki ia bilemdangtsübaji nüngdaker. Ashiko, nisungibo kar dang rakzuka bener arua tenla agütsübaji junger ta ashitsüa akok mesüra ochimashi maparen nungi anguba rongsen agi temeim mapa inyakba atema tenüngsang tulu agütsütsüa akok. Ajisüaka, tarendaktsü kaji, nisungi junger ta ashibaji Tsüngrem tsüngdangbo majung asütsüa akok. Asenoki inyakba nung Tsüngremi junger ta mashi tashi asenok azükaru masütsü. Kenbo junger amato asütsü aser jangratema alitsüa akok, saka nisungtemi junger ta asüba tajangzükji agirbo asen akaba taküm aser rongsen samadoktsü. Tsüngrem tsüngdang kechi metemsü aser majung, ibaji alima nung talangka azükarua maotsü. Laishibai ashir, nisungi tema tereprangtsü repranger saka Tsüngremibo temulungjang dang repranger. Aji oda, asenok mulungjang nung nisung masü saka Tsüngrem peladaktsütsü atema bilema inyakba agi asenok nem Tsüngremi odia moatsütsü tenangzükba lir. Tsüngremi odia moatsüba temoatsüjibo kanga tulu aser jangratemtsüka asütsü. Iba temoatsüji nükshia asenoki nisung masü saka Tsüngrem peladaktsütsüsa inyakdi. Iba jagi asen taküm, kibong aser alima azük arutsü.

OLEMSABANG

TAMANGBA NUNG MERA KA MEJAKDI

~ S. T. Yapang Lkr, Kohima.

Ni Arogo mesüra Mungdang amanger masü, iba jaki ni Arogo aser Mungdang tai jangja tutettsütsü metsübur, anungji tanüa onük ana lemsateper, aser yang nungi asenok tamangba tsütsü mera ka danga mejakoka tejakleni odi arung.

1. Kaket, Calendar menünga:

Tanü lima printing press aika lapoka lir, aser jenjang talangba agi toktepa menüngtsür, saka Arogo aika kangshia sen tasakba nung menüngdar, aji arogo nung rongsen lalushibongba mapa ka, ajisüaka iba dang talila miim mapa ka lir, printing press aser shishilembaba tulu aika nung lokti/departement/arogo amala telok indang kaket ka menünga nungi temenüngtsü bener oa agütsüsang nem 8% amala süngujemtsü meyipa agütsür.

Tagütsür jaki o tajung jembia agütsür "Nai kaket/calendar menüngtsü bener aruba asoshi süngujemtsü ya na agiang, yabo ner arogo sen masü, saka ni neja sen agütsürba dang" ta shia agütsür, anungji tagütsür aser tagizükerji kecha tai mali ama, ajisüaka jungjunga reprangdangra yamala inyaktsüba tesem nungbo tamasayongi kaket nung iba senji inoksemer meshidar, tatishitsü agi manager-ba asoshi 2% kaket/calendar/sentong menüngtsü bener oa agütsüsang asoshi 8% ta kaket jenjang tanga printing press nung sen 100 agi menüngtsüba melena 110 agi menüngtsür, anungji kangshia sen tasakba agi menüngtsü rakteper aika lir, aji arogo rongsen lalushibonger.

Asen Nagalima arogo aika nung kaket/calendar/sentong balala menünga nungi 10% shi temenüngtsü bener aosang/la aser manager tena sübokrem agidar, sübokremji magir süra tangsa arogo rongsen kangshia lalushibongba nungi anenang aser sen talangba nung menüngang.

Asenoki metettsü kaji kaket shia sen kwi asütsü agi jenjang lateta maka nungji printing press shia pei meshinüba meshitsü, anungji pari sen aika meshir yang nung jaki temenüngtsü bener oa agütsüsang nem sen tera meyipa agütsütsüji par mulung aser aji tai mali, saka shibai sen tasakba bushia bener oa menünger pa/lai arogo/mungdang sen lalushibonger aji dang.

Yamala aibelen nungi kümzüktsü asoshi Govt. aser lokti balalaji khien yujang, saka Mungdang/Arogoi calendar/kaket/sentong koba menüngtsü lir, ibaji Mungdang/arogoi pei website mesüra social media kar nung lemsateptsü aser iba asoshi shir printing press-i sen talangba agi menüngtsütsü shitetdir yangji dang menüngtsüla. Kar nungpo tenüng tajung agia süngujemtsü sarutsü asoshi kaket menüngtsu sen talangba asoshi osang agütsütsü, saka telung nung miima shimra shibai sügujemtsü timba agütsüdir parji shimtsü lenmang lir, item nungi jenbua alitsü asoshi Arogo/Mungdang jaki odia ajaki ngua senotsü indoka osang kaket nung melemsatepaka pei website mesüra social media nütüng ajaki ngujema shiri/shibaisa kaket shia sen kwi agi menüngtsütsü shia lir itemji lemsateptsüla, aser shibai/shiri sen talangba agi menüngtsü shiteter yangji menüngtsüla.

Joko sübokrem agira süang mesüra sübokrem magiaka kangshia arogo rongsen lalushibonger asoshi 2026 küm ya dang anünga lir, kechiyong 2026 küm tatem General meeting mapang Arogo aika nung ya benoka jembitsü, anungji joko sübokrem agirtem mesüra sübokrem magiaka kangshia arogo rongsen lalushibonger asoshi ita 10 shi dang anünga lir. Shir arogo nungsa inyakeri ochishia inyakdaki Tsüngremi nenok moajangma.

Aseni Arogo dangi iba agenda benra aser tenzüker kari Arogo tenüng nung iba agenda-ji teben ta kiboksema sarasademi arura aji tanga, na aji angara temenen tanüla tuyuba o angar asütsü, iba melena jungjunga sayutsüngir yokang, aseni abenba agenda-ji arogo general meeting dangi bener marura na ola madoki teli "Ni iba indang agenda ka benogo aser pa/la nem agütsüogo, saka kechiba bener maru?" ta asüngdangtsüla, idangjisa shibai bener maru pa/la tatok meshidaktsütsüla, tatokji memeshinüra iba general meeting nung jaki atsüzüka yutsütsüla. Aibelener jenbutsü lenmang tila kata melapoktsütsüla, ajimesüra na yimsü sülen anidaker ka, saka Yisu sülen anidaker masü, Yisuiibo tenla kidang nungi arizüka yok aser langbang meküptoktsü.

Tajungtibaji Deacon Board rongnungi nisung kar shimteter menüngdaktsütsüla, kechiyong arogo tilaba nungi tuluba tashi nung Arogo meyong ochishia amshibaji nütüng aser Deacon board ya lir.

2. Ao Laishiba:

Tang tashibo BSI nungi teyari agia ajaki alitetsüsa sen talang agi Ao Laishiba menünga ayokbaji ABAM ya dang asütsü, saka ABAM ajanga adokba Ao Laishibaji parnok ishika ket nungi ayokba dak alaka bookstall nung ayoktsü lenmang melapoktsür, anungji tang Laishiba ka anlinü nung na anasa mangutsü, shishilembaba tsütsü pei ajangzüktsü asoshi Tsüngrem o noktanga ayutsü sentong atongtetbaji Nagalima nungbo asen nisung ya dang asütsü, koba shishilembaba tsütsü tangari 'syndicate' ta ajar. Asen lima tia mali Catholic Pentecost amala tashi ita amenoka mali, saka Revival (NCRC) tera tashi ita lir, parnoki Khrista yimli asoshi Ao Laishiba ya BSI nungi lenmang bushitepa menünga ayoktsüla, saka ano majung kaji yangji telok/mungdang kar ajanga "Revival pur nemji temelaba tagütsü" ta shia süngujemtsü agütsütsüji tamakoktsü mapa masü.

Mamanger lima nung tsübuseta Tsüngrem o proka mamanger nem reshikangshidaktsüa senzüba ya dang Tsüngrem mapa ta masü. Asen lima nung ang sadem sadema lia Tsüngremer mapa tulutibaji inyak nung majungtsü na? Kechiyong Tsüngrem o telok kati noktanga yua lir, aji sadema lapoktsü asoshi telok ka nüngdak, yabo nejai menünga ayoktsüba maparen masü.

Oda ashir ashi 'Nagalima Khrista asoshi' ta asen Ao litsü nungi sangdonga yur, bookstall nung Ao Laishiba mayoktsüsa tashi sayangtetba nung ola madoki alitsü na? Mungdang nung inyakerji ner yimer ner kinungera liang, na item Tsüngrem o noktangertem kümzükndang ola madoki alitsü no? Ajisüaka ya ABAM samatsü asoshi ronü (tamaitü) ka ta nibo bilemdar. Tanü Yisu alishi nung asenok den arua ali asübo Laishiba bookstall nung meyokdaktsüi soita ayurtem (syndicate sür alirtem) ya lisü agi repa atsüzüka yutsüba den parnok langbang meküptoktsüla ta nibo bilemer.

Iba Olemsabang nung lemsaba ken-o aser shisatsü ya iba ocet züluri bilemba ken-o ama tazünger angateta agitsü mepishir

VHP-i Khristan school ka nung puja agitsü takhangba agütsü



Tripura state kübok Dharmanagar nung aliba Holy Cross Convent School nung yaküm November ita nung Cultural Week amongdang tangokba noksa nung angur.

January 24, 2026: Tripura state nung Hindu telok kati Khristan school ka nung Hindu nung Saraswati tsüngrem külema puja agitsü meranga liasü, ajisüaka sorkar ketdangsertem tiyongtsüi aiba ajanga dang nokdangtet. January 23, 2026 nü Vishwa Hindu Parishad (VHP/World Council of Hindus)-i school nung Saraswati külemküjatsü takhangba agüja liasü, ta Agartala Dioces nung social communication secretary, putir Ivan D'Silva-i metetdaksü. Ajisüaka sorkar ketdangsertem tiyongtsüi aiba ajanga ibaji nokdangtet, aser tesünep nung iba anogo süidaksü, ta pai metetdaksü. Iba jakdang January 16 nü VHP züngsemtem Dharmanagar nung aliba Holy Cross Convent School-i arua principal takdangi aiba sülen kaketshirtem aser parnok yimsü dak sendakba osang tejangja asüngdanga liasü. Khristan school nungji azünger tanurtem shilem 70 bo Hindu nung liasü, ibayongji parnoki school campus nung Hindu nung tsüngrem külemküja aginüa liasü, ajisüaka school ketdangsertemi memela, ta D'Silva-i ashi. "Iba dak alia school ketdangsertemi sub-divisional magistrate aser police nem-a iba osangji metetdakja liasü," ta pai ashi. Ajisüaka January 22 nü VHP züngsemtemi school kima longkak aita Hindu

nunger kaketshirtemi parnok shisaliok angazükba tesem nung par tsüngrem külemtsü temeden lir ta ayimdena liasü. Tensa azüoktsü atema school ketdangsertemi police yokang ta mepishi. Iba sülen tsüraburtem, police aser lenir kar jaoka senden mena iba school nungji Hindu nung puja magidaktsütsü telemtetba agia liasü. Osangbenertem den jembidang Khristan lenir ka, Pionglama Darlong-i, "Iba tatalokba ya tejashitsüka lir. School aser shisaliok reju shia peipei temzüng lateta lir, anungji item temzüngji ajaki akhümtsübütsüla," ta ashi. Nütsüng million 4.2 aliba Tripura state nung nütsüng shilem 4 dang Khristantem lir.

Missions conference ka nung nisung 800-i Khrista agizük

January 24, 2026: Tawa Phoenix, Arizona nung Intervarsity 27buba student missions conference nung college azünger 7,000 dak tali aden aser iba senden tembangba anogo tashi nung kaketshir 800 dak temai Khrista agizük. Anogo pongunü conference tembangba mapang tashi nung kaketshir aikati alima tesem balala nung Khrista osangtajung sangdongtsü tenangzükba agi. InterVarsity Christian Fellowship USA ya December ita tatembanglen agi aser iba senden nung Khrista osangtajung lemsateptsü atema kaketshirtem ayongzüka liasü. Senden tenzükba aonung Executive Director, Mark Matlock-i, "Alima nung Khrista osangtajung lemsateptsü atema asenoki koma imdangjema bilemer?" ta asüngdanga liasü. Kaketshirtem aikati Tsüngremi tenyaba wadang nung shilem agitsü tejangraba tulu nung iba senden nung aden. 1946 küm nungi

tenzüka item ama conference nung Billy Graham, Elisabeth Elliot, Francis Schaeffer, Rick Warren aser John Stott nungeri sayutsüngia tayongzükba agüja aruogo. Urbana 25 nung o jembirtem rongnung IF:Gathering nungi Jennie Allen, Dr. Ed Stetzer, Soong-Chan Rah aser Lisa Pak nunger liasü. Kasa senden nung New York nung aliba Church of The City nung pastor Australia nunger Jon Tyson-i Yona kaket nungi tajungshi o jembi aser anepdang shia Egypt nunger professor Dr. Anne Zaki-i tekülem sentong ania liasü. Christianity Today nung CEO, Dr. Nicole Martin-i, iba senden ya meyipa reprangshiba mapang ka liasü, ta ashi. Laisa iba ama conference ayongzüka agiba ajanga Tsüngremer tajaba jangjashir, aser item ama sentong ajanga lanurtem aika ajungmesotsü, ta ashi. "Langka tuluka ataloktsü, ta amangba telok ka kodang longjemdir tajung ka ataloker.

ANO GO ABEN TSÜNGREM DEN

TEKIRAK PUTU NUNG OCHI TAKÜM

"Anungji iba mashikoshi aser tekirak putu nung nenok tindang Tsüngrem chirtem, ochi aser tai meketi tesangwa ama ayatsü."

~Filipi 2:15

Lipok nung kodang meimchiri Tsüngrem ozüng raksa Pa anema apuso. Iba limai temenen ait aser joko putu ajak nung temenen agi meimchirtem meketbanger lia Paul mapang nunga yamaji Filipi nung aliba amangbapurtema iba amang temenen agi aben atitanga liasü. Iba mapang meketbanger anogo tenyar Pauli parnok dang ochi nung Tsüngrem chir ka ama tai meketi Kibubar milen tesangwa abener tumanger ka ka asütsü ajungshi. Tanü asen putu libaliro reprangra parnok putu dang nungi kecha tepila mali. Asenok tanü ochi dang tai aser tia dang ochi ta kümdaktsür aliba lima ka nung alir. Ano külen reprangra alima tashi aser rongsen alirtem tai nung liaka teti metentsü ta asüba lima ka nung asenok alir. Saka tanü iba lai tekong ajanga asenok Khrista dak amangbapurtem dang Kibuba O ka ayimoktsü, iba tekirak ochi mashi lima nung Tsüngrem chir ka ama teti ochi nung alitsü ashir kechiyong Kibubai asen mapa jak züngdar aser kenü anogo Pai asenok obendangtsü. Anungji tensa tia ajak nung Ochi benschir ka ka südi.

US-i Nigeria dang Khristantem kümzüktsü nenshia metetdaksür

January 24, 2026: January metetdaksü. 18, 2026 nü Nigeria kübok Hooker-i, tamalen US Kaduna state nung sorkari inyakba ajanga Khristan 177 puer aoba terenlok lir, ajisüaka sülen US-i Nigeria sorkar Khristantem amakba dang linük nung nokdangtsü atema Nigeria Khristantem kümzüktsü sorkari alia oa inyaktsüla, atema ano taliba ta ashi. inyakdaksüner, ta nenshia H o o k e r - i s a , metetdaksüogo. Khristantem kümzüktsü Prangpong amer telok atema inyakba ajanga kati puer aoba yimtenren tsütsü tamangertemji karbo tajangzük angutsü aser meyipa aruogo, ajisüaka linük anaprong atema teimbaka tang tashi kong lenla aika nung tajung aliar mejangja. asütsü, ta ashi. Mezüngbo Nigeria Ajioda Nigeria National sorkar aser Nigerian Police Security Advisor, Mallam Force-i Khristantem puer Nuhu Ribadu-i, yimsü aoba osangji tiyazü ta nung ajemdaker amakbaji metetdakja liasü, ajisüaka linük anema inyakba ama anogo ishika lir police-i onoki züngshitsü aser Khristantem puer aoba Nigeria sorkari yimsü osangji tejangja, ta balala amanger ajak metetdaksüogo. kümzüktsü atema Brihostibarnü US inyaktsü, ta nangzük. sorkari Nigeria sorkar Paisa Nigeria nung dang Khristantem tensa tajungba akümtsü kümzüka alitsüa atema atema telemtetba agia ano taliba inyaktsüla, ta inyakba osang balala metetdaksü. metetdaksü. Tan hopta Abuja nung US sorkar ketdangser Nigeria Working Group kati, "Nigeria sorkari senden nung jembidang Khristantem kümzüktsü Under Secretary for atema ano taliba Political Affairs, Allison inyaktsüla aser pei yimsü Hooker-i Nigeria sorkar sadoksadoka benschitsütsü dang Khristantem aser atema temeden kümzüka yimsü temeden kümzüktsü ayutsüla," ta metetdaksü.

AO OSHI ANGAZÜKDAK:**TANÜ ANGAZÜKTSÜBA OJANG****Tusatsü**

(v) yin mesüra süng taju mesüra ali atuba gari agi ali raksatsüba (dug up)

* Lenmang yanglurtemi lenmang tejenba tusatsü.

Tushi

(v) tenüng asang (honoured)

* Teloki takokertem tushia agizük.



Tir Yimym

OLONG PAITEP # 7394

1		2		3		4	5			
				6						7
		8								
9				10		11				
			12					13		
						14				
16						17				

TIPIEN

1. Nisung jenti - (5)
4. Tsük rudenba - (5)
6. Temzüng tesashi - (5)
8. S ___ i - (3)
9. Nisung telemsa - (3)
10. Anogoshi - (4)
12. Ajanga aor - (4)
13. Tsük rizüngdak - (3)
14. Tebang nungi adokba - (3)
16. Süngdong tatembangtiba - (5)
17. Meputep - (5)

LANGTSÜNGLEN

1. Tenük telong - (9)
2. Committee dang ajar - (5)
3. Yagi ki okdoker - (7)
5. Yim lenmang - (5)
7. Temoatsü keter meyipa aruba - (9)
11. Kanga junga menemba - (7)
12. Majinü - (5)
13. Tzüma nung senzüba - (5)

OLONG PAITEP # 7393 TELANGZÜBA**TIPIEN :**

1. Honibar, 4. Tai, 5. Samen,
6. Tebur, 7. Tim, 8. Alu,
9. Tamen, 11. Kilir, 13. Ang,
14. Kichiba.

LANGTSÜNGLEN :

1. Him, 2. Rangben, 3. Ait,
4. Tsürabur, 5. Shimtang,
6. Tamakok, 10. Hai, 12. Ata.

NAI-A YA METETTER

January 21, 2026 nü Chennai nung school 8 nungi kaketshirtemi Guinness World Record ka yanglutetogo aser iba ya "world's longest chain of people licking ice cream" lir. RK Convention Centre, Neelankarai nung kaketshir 4,008 adenshir iba Guinness World Record ajatetogo.

July 23, 2011 nü UK nung award-winning ice-cream brand Morelli's of Portstewart indang sentong ka nung nisung 2,728-i iba otsü yangluteta liasü saka Chennai kaketshirtemi ajatetogo.

Pelaba Lemsateper

Asür. Lipokmeren Longkumer
15.10.1938 - 17.1.2026

Onoki teti meima aliba kinungbo aser obala asür Lipokmeren Longkumer (Yongyimsen), 2026 kum January 17 nü asüba (New Delhi) mapang shirnokisa nübu, rongsen, shisatsü aser sarasadem agi nongita yariogo, nenok ajak dang kanga pelaba lemsateper. Mangyim jashi tia nung aliba mapang lenla balala aser sarasadem agi onok nongita yariba atema tebang agi rasa ashitsü mekoki pelaba lemsateper.

Maneni onoki riju, lokti tentet, telok balala, kidang kiyonger, Medemer aser temeimertem shirnokisa shisatsü aser nübu agi nongita yariogo nenok ajak dang mejeta pelaba lemsateper. Nenok teyari agi onok khuret tepungbaba kümdaktsüogo.

Nenok ajak dangi tsüngtong arua tepela melemsatetba atema sasar, saka iba sangdong ajanga tepela lemsatepba ya agizüktsü mepeshir. Tulusang Tsüngremi nenok ajak molamoshia moajang ta ozü sarasadem.

~ Temeim Kinungtsü, Jala, Kinunger,
Anükapang aser Semchirtem.

Pastor ka merenshiba atema Meghalaya CM-i shidi zülü

Shillong, January 24, 2026

(Agencies): Odisha nung tan ita tetenzüklen pastor ka dak züka merenshiba aser yimjak nung maaksüdaktsüba atema Meghalaya Chief Minister Conrad K Sangma-i Odisha Chief Minister Mohan Majhi dangi shidi ka zülüogo.

"India tashi ya constitutional tangatetba nung amendaka lir aser idakji tamangba ya kija ka temulungtetba lir ta temeten agüja lir. Maneni mangatetep aliba onüktem ozüngi melaba ama inyaktsü lateta lir" ta Conrad-i shidi nung shia lir.

"Lokti nung yimjung lir ta züngshia aruba state ka nung nisung teloktemi ozüng alema inyaksangshiba osang angashidang linük nung sensotem nemjema bilemer. Talisa Khristan tamangertemi kanga süoki bilemer kechiyong onoki nisung akhümtsübur" ta paisa ashi.

"Nisung lokti nem ozüng mapa melenzüka meinyakdaktsütsüla. Tamangba yimsü nung ajemdaker nisungtem dak ozüng alema mapa inyakba ajanga temeyoktep lokti tamendakdak raksatsür" ta Conrad-isa

shisem.

"Ibala tashiyim mapa ya inyaka moudaktsütsüla aser item tatalokba ajanga nisungtem rongnung tetsübu aser temulung melemtep adokdaktsür. Odisha sorkar lenisüba ajanga temeten agütsütsü aser ozüng benshitsü ta tamang lir" ta CM Conrad-isa shidi nung shiogo.

January 4, 2026 nü Odisha kübok Dhenkanal district nung pastor kati tamangba yimsü melendaktsür ta tai tonglokja züka merenshi, tsüngsem agi yangluba azük ka azükdaktsü aser nashi scü chidakja merenshi.

Dima Hasao nung lanur 32 nem appointment letters agütsü

Guwahati, January 24, 2026

(Agencies): Chengia Tularam Playground, Haflong nung Hokolbarnü Dima Hasao nungi sempet aketba lanur 32 nem appointment letters agütsüogo.

Parnok nem Dima Hasao district sports quota kübok mapatem agütsü.

Iba sentong nung N.C. Hills

Autonomous Council CEM Devolal Gorlos, Principal Mohet Hojai aser Sports EM Prabita Johri nunger aden.

"Iba sentong ajanga district nung asangur aser aiürtem ajungmesotsü aser anti-social activities nungi anientsü meranger" ta CEM Gorlos-i ashi.

Dima Hasao kübok tesem

balala nung mini stadiums yanglua lir aser item ya lanur saisaponger nem modern facilities agütsütsü atema lir ta paisa ashi.

District administration-i saisapongertem anitetsü aser lanurtem dang taküm anema ayutsü inyakba iba sentong ajanga sayur.

IndiaSkills NE Competition nung Mizoram-i champion angu

Guwahati, January 24, 2026

(Agencies): IndiaSkills Northeast Regional Competition 2025-26 nung Mizoram-i overall champion ngutetogo.

Iba tetoktepba nung Mizoram-i skill trades 20 nung toktepa Northeast state ajak madak sempet 21 nguteta liasü.

Anogo pezünü tetoktepba ya Ministry of Skill Development and Entrepreneurship-i Gauhati University nung January 19 nungi 22 tashi ayonga agia liasü.

Northeastern state tem nungi lanurtemi skill trades 26 nung shilem agi aser Mizoram

nungi tetoktepertemi telemsa 20 nung shilem agia liasü.

Mizoram-i gold densema medals 21 angu aser best-performing state naroküm angu.

Mizoram-i electronics, electronics, fashion technology, floristry, hairdressing, hotel reception, painting and decorating, restaurant service, retail sales aser visual merchandising nung gold medals angu.

Parnokisa floristry, mobile application development, software solutions, bakery, restaurant service nung silver

medals aser cooking, beauty therapy, electronics, graphics designing, painting aser hairdressing nung Medal of Excellence ngua liasü.

Mizoram sorkari skill development nung temulung agütsüba aser Mizo lanurtemi Northeast nung dang masü saka national level nunga tokteptetba iba naroküm ajanga kuli agütsür ta state ketdangsürtemi ashi.

IndiaSkills Northeast Regional Competition 2025-26 nung takok angurtemi national-level skill competitions nung shilem agitsü.

Kamakhya nungi Howrah tashi Vande Bharat Sleeper train ao

Guwahati, January 24, 2026

(Agencies): January 22, 2026 nungi Assam nung Vande Bharat Sleeper train senzü tenzükogo aser iba mapang Kamakhya railway station nungi Howrah tashi ao.

Passenger temi semi high-speed Vande Bharat Sleeper train tenzükba atema pelaba metetdaktsüogo.

Kamakhya station nung

railway personnel-i passengers nem golab naro agüja pelashishia agizüka liasü.

Passenger Reservation System (PRS) aser tanga platforms ajanga inaugural service atema ticket ajak ghonda ishika tsüngda alizükadok ta Railway ketdangsürtemi ashi.

Vande Bharat Sleeper train ya January 17, 2026 nü Prime

Minister Narendra Modi-i tenzükja liasü.

Vande Bharat Sleeper train nung aoertemi ashiba agi bedrolls tajung aliba den chiyungtsü tapu balala aser merükmeju aliba lemsatepogo.

Ano karibo train staff-i mapang shitak nung inyakba aser service tajung agütsüba indang ajangshiba lemsatepogo.

Indonesia anentsüh lendong nung nisung tenet asü



Jakarta, Aenjeti/January 24 (Agencies): Indonesia nung West Java province kübok West Bandung tesem nung anentsü tulu ka aluba sülen nisung tenet asü aser nisung 82 samar bushidar, ta local ketdangsürtemi metetdaksü.

"Samar alirtem aika lir, onoki tanü takokba tashi tekümsükba maparen talila benoka inyaksü," ta Indonesia indang disaster mitigation agency otongdar Abdul Muhari-i Honibarnü ashi.

Indonesia indang news outlet Kompas-i ashiba agi, anentsüh ya West Bandung kübok Pasirlangu yimtsüng nung Honibar anepdang 2 ako shi nung alua liasü.

Burangrang tenem nungi tzi aser ali agi yimtsüng nung ki 30 shi dak kongshi. Iba mapang yimdaklir timba mejanger liasü, ta Kompas-i ashi.

Local Police tekolakba AY

Yogaswara-i ashiba agi, anentsüh den tziushi dena alua liasü, ta Antara news agency-i metetdaksü.

"Iba lendong atalokba mapang yimtsüng nung alitemi ola tulu adokba angashia liasü," ta Yogaswara-i ashi.

Indonesia indang armed force, regional disaster management agency, volunteer aser iba tesem nung alirtemi samar alirtem kümzüksü atema inyakdar, ta paisa shisem.

Ano lendong tali ataloka takoksa tuluba ajangshitsü tsüba local ketdangsürtemi anentsüh agi konshitsü ana nung aliba tesemtem nungi nüburtem aninogo. Honibarnü anentsüh agi kongshiba tesem ya hectares 30 shi asütsü, ta Kompas-isa metetdaksü.

Indonesia indang weather agency-i Hokolbarnü nungi tenzüka West Java province

nung tziunglu kanga sashia arutsüba densema tsüngsang mopung kanga majungtsü tekümdangtsü metetdaksü liasü.

Antara-isa, West Java kübok Karawang regency nung Citarum aser Cibeet ayong moshia ayimba ajanga sub-district 30 aliba nungi 20 bo metsüngogo, ta metetdaksü. Regional sorkar ketdangsürtemi item tesem nung ayong anasa alirtem dang pei ki toksü aotsü tetuyuba agütsüogo, ta Antara-isa metetdaksü.

Kasa mapang nung East Jakarta nunga tziunglu kanga sashia aruba ajanga tziümetsüng adokba sülen nüburtem aika jenshiogo.

Taoba ita Indonesia kjübok North Sumatra, West Sumatra, aser Aceh province tem nung anentsüh aser tziungmetsüng lendong nung nisung 1,170 dak tema asüba sülen Honibarnü iba lendong ya atalokogo.

Indonesia sorkari, arem leprepa aoba atema company trok anema ken o benokogo. Iba inyakyim ajanga item lendong ya ataloker asütsü ta temulung memeli bilemer.

Tzü mopung melenshiba ajanga Indonesia nung yipru mopung, anentsüh aser tziümetsüng amala lendong taliba ajangshidar.

JANGJASHITSÜR

East Dimapur Aor Telungjem 17th Jan. 2026 anogo nung tetentetogo ta asüba osang 18th Jan. 2026 Tir Yimyim osang kakat nung koba adoktsüogo aser iba osang adoktsüba indang Metongshitsür ta ser Tir Yimyim Adok 21st Jan. 2026 nung adoktsüogo. Iba osang anapronglaji atendanga yamai metongshitsür. AO Senso Telongjem Dimapur (ASTD) nungi temelaba ngur ta züluba orenji meyipa agir, kechiba süra 31st May 2025 ASTD Lenla Mongdangi East Dimapur nung Aor alidak yim ajak ka küma longjem nungdang iba telungjem tentetsü melatsü ta lemtet. Saka pangzüng nung shia aliba ama mataloktsütet nung ASTD-i officially bo temelaba agüja mali ta jangjashitsür. Saka ASTD temzüng küpok lia ASTD tali tashi itdaksütsü aser nungitsü atema East Dimapur len aliba yim 7 (tenet) nung alirtem longjemmer iba Telungjem tentetogo ta ASTD nung dena alir züngsem ajaki angateta lidaksütsü atema iba sangdong ya metongshia adoktsür.

Sd/-
Dr. Temsuwati
Chairman, EDAT

[Signature]
Ayimkitang Aier
Gen. Secretary, EDAT

ALI TAYOKTSÜ LIR

Old Showuba, four lane anasa (Kimong asem) Sq.ft. @200/- @160/-
Kimong ajak nung jenjang terabo ajemtsü
Tongtepratepsü : 9863826159 Kimong ka @7 lakhs.



Russia-i Honibar anepdang Ukraine indang energy infrastructure amakba sülen, asükwa temperature -10°C tashi aluba mapang Kyiv nung ki 6,000 shi dak kongshia nüburtem kanga timtemtepdar.



Programme for Celebration of 77TH REPUBLIC DAY 2026

ON 26TH JANUARY, 2026 AT NAGALAND CIVIL SECRETARIAT PLAZA, KOHIMA

0600 hrs : Unfurling of National Flag in all Government Offices, Institutions/Public & Private Buildings.

0850 hrs : Review of Parade by DGP, Nagaland.

0900 hrs : Hon'ble Chief Minister arrives, unfurls the National Flag, receives Rashtriya Salute and inspects the Parade.

Address by the Hon'ble Chief Minister.

Presentation of Awards.

March Past.

Parade Contingents:

- 13 Assam Rifles Bn.
- 78 Bn. CRPF
- 105 Bn. BSF
- Tripura Police
- DEF Kohima
- 4th NAP Bn.
- 10th NAP (IR) Bn.
- 15th NAP (IR) Mahila Bn.
- Home Guards & Civil Defence & SDRF
- Ex-Servicemen
- NCC (Boys)
- NCC (Girls)
- Bharat Scouts & Guides
- 13 Assam Rifles Pipe Band
- Nagaland Police PTS Brass Band
- 15th NAP(IR) Mahila Bn. Pipe Band
- Nagaland Police Auxiliary Brass Band

Parade Commander : Shri Z. Tshurhosie Kajiri, NPS
Dy. Commandant, 5th NAP Bn.

Second-in-Command : Ms. Gurpreet Kaur, IPS (Probationer)

SPECIAL PRESENTATION

- Song (Vande Mataram) : TaFMA
- Drill Display : Women Resource Development

CULTURAL PRESENTATION

- Jakhama Village Cultural Troupe (Angami)
- Yachummaro Cultural Troupe (Lotha)
- Pochury Cultural Troupe Kohima (Pochury)
- Yimkhiung Beru Cultural Troupe (Yimkhiung)
- Yangphi Jümülile Mülong (Sangtam)

INAUGURATION/LAUNCH BY THE HON'BLE CHIEF MINISTER

- Inauguration of the EXHIBITION STALLS
- Launch of MARCOFED E-Commerce Platform 'NagaBazaar'
- Inauguration of Drone School-Drone Centre of Excellence, Nagaland at GIS & Remote Sensing Centre

Distribution of sweets at parade ground by Indian Red Cross Kohima district branch

Visit of Institutions by Charitable Organizations

- State Mental Health Institute : Gorkha Public Panchayat, Kohima
- Bright Morning Star Orphanage : Nagaland Contractors & Suppliers Union
- Kohima Orphanage & Destitute Home : Hindu Kalyan Samiti, Kohima
- District Jail : Kohima Masjid Committee
- Cherry Blossom : Kohima Chamber of Commerce & Industry
- Old Age Home : Royal Club, Kohima
- District TB & Chest Diseases Hospital, Khuzama : Puliebadze Club, Kohima
- Mt. Gilead Home : Classic Club, Kohima
- Cradle Ridge : Rotary Club, Kohima

EVENING PROGRAMME AT NAGALAND CIVIL SECRETARIAT PLAZA

1430 hrs : Football Exhibition Match
Kohima District Football Association Vs Morning Premier League

1600 hrs : Prize Distribution

1615 hrs : Band Display

- 13 Assam Rifles Pipe Band
- Nagaland Police PTS Brass Band
- Nagaland Police Auxiliary Brass Band

Beating of Retreat

(All are welcome to attend the programme.

It will also be Livestreamed at the official DIPR Nagaland Youtube Channel.)

Australian Open nung Stan Wawrinka tatembangbuba asayaogo



Stan Wawrinka

Aenjeti/January 24, 2026

(Agencies): Stan Wawrinka Honibarnü Australian Open nung tatembangbuba asayaogo. Tasembuba round nung pai kanga meranga asaya saka Taylor Fritz mekoki tsükogo.

United States nungi ninth seed asayar Fritz-i Swiss nunger taoba mapang champion ya 7-6 (7/5), 2-6, 6-4, 6-4 agi koka liasü.

Wawrinka, shiba 2006 kum Melbourne Park nung mezüngbuba asaya liasü, aser iba asayamung ya 2014 kum kokogo, pa takum kum tashi dang asayaba sülen asaya nungi anisüngzüksü telemtetba agiogo.

Fritz round of 16 nung Italy nunger asayar Lorenzo Musetti den asayatsü.

Wawrinka shiba tang jenjang 139buba nung lir pa 2014 kum

No. 3 tonga asayaogo aser pai 2015 kum French Open aser 2016 kum US Open kokogo.

Roger Federer, Rafael Nadal, aser Novak Djokovic nungeri tebur tennis asaya amokbanger asayaba mapang ka nung pai Grand Slam ana ya koka liasü.

Wawrinka-i pa indang career nung ATP titles 16 benogo aser tatensa 2017 kum Geneva nung takok ngua liasü. Paisa, 2008 kum Beijing Olympic nung Federer den külemi tarep asaya nung gold medal nguogo.

Kasa asayamung tetsür kija asaya nung 2021 Australian Open champion Naomi Osaka-i Honiabarnü la yiruba ajanga iba asayamung nungi atsüngintsüsa akümer ta metetdaksüogo. Ajisüaka lai la kechi yiru aser kobika masayatettsü, iba indang

osang tejangja magütsü.

Osaka-i iba telemtetba agiba ya Instagram ajanga metetdakja liasü.

Osaka ya Honibarnü tasembuba round nung Australia tsür Maddison Inglis den asayatsü liasü.

Maneni Open era nung tang mezüngbuba Italy nunger tebur asayar asem Australian Open nung round of 16 tongtetogo. Defending champion Jannik Sinner, fifth seed Lorenzo Musetti aser 22nd seed Luciano Darderi nunger ajak round of 16 tongtetogo.

Musetti-i set pongu asayaba sülen Tomas Machac akok, Darderi-i 15th seed Karen Khachanov akok aser Sinner-i 4-6, 6-3, 6-4, 6-4 agi Eliot Spizzari koka liasü.

Jamshedpur FC nung Owen Coyle denogo

Aenjeti/January 24, 2026

(Agencies): Scottish nunger manager Owen Coyle, Indian Super League 2025/26 season atema Jamshedpur FC-i meyipa aruogo, ta club-i Honibarnü metetdaksüogo.

Arishi kum 59 tain coach shiba lenisüba nung Jamshedpur puri 2021/22 season nung ISL League shield koka liasü pa aser assistant coach Sandy Stewart na den kum anana atema tenangzüktepba yangluogo.

"Owen meyipa aruogo," ta club sangdong ka ajanga metetdaksü.

India nung top-flight asayamung ya mapang talangka mepetmesü nung aruba sülen February 14 nü nungi tenzüksü. Takum iba asayamung nung club 14 pronglai shilem agitsü.

All India Football Federation aser Football Sports Development Limited na tsüngda Master's Rights Agreement tembangba sülen iba mepetmesü ya adoka liasü.

AIFF aser FSDL na tsüngda 2010 kum tenangzüktepba yangluba ya 2025 kum tembangtsü liasü aser iba tenangzüktepba yanglushitsü asoshi AIFF-i 2024 kum November ita nung sensaksem tenzüka liasü.

League tia mejangjai aliba mapang asayar, kibur aser stakeholder temi parnok tebilemba lemsatep aser India nung football asaya kumzüksü asoshi temepeshiba agüja liasü.

Asayamung asayatsü masayatsü mejangjai aliba mapang ka nung 2026 kum January 3 nü AIFF-i parnok tawabangba kübok iba league ya asayatsü ta sangdonga liasü.

Iba sülen January 6 nü Sports Minister, Mansukh Mandaviya-i ISL 2025-26 season ya February 14 nü nungi single-leg format nung asayatsü ta sangdonga liasü, aser iba ajanga India nung football asayatem aser football asaya dak sendaka alirtem aser fan tem nem anisüngzüik agüja liasü.

Tetsür football asayatem rongnung Rodman sen timtiba aahba asayar kumogo

Aenjeti/January 24, 2026

(Agencies): Washington Spirit den kum asem atema tenangzüktepba yangluba sülen United States forward Trinity Rodman, alima nung tetsür football asayatem rongnung sen timtiba aahzükbä asayar kumogo, ta la indang agent-i metetdaksü.

Arishi kum 23 tain taoba NBA asayar Dennis Rodman'er jala ya Spirit den taoba mapang tenangzüktepba yangluba December 31 nü tembangba sülen free agent ka liasü.

Ajisüaka bonus densema club den USD million 2 alang tenangzüktepba ka yangluba sülen Rodman ya Spirit nungi 2028 kum tashi asayatsü.

La indang agent Mike Senkowski-i ESPN dang ashiba agi, iba tenangzüktepba yangluba sülen Rodman ya alima nung tetsür football asayatem rongnung sen timtiba aahzükbä asayar kumogo.

"Kanga jangra ademer aser kanga pelar. Ni kanga moa ama bilemer," ta Rodman-i ashi.

"Tang ya tongtibang aser asaya melenshiba mapang ka ama bilemer. Kü tebilemba o agi rasa ashitsü makoker," ta laisa shisem.

Barcelona midfielder Aitana

Bonmati, shibai 2023, 2024 aser 2025 kum Ballon d'Or kokogo, la ya alima nung sen timtiba aahzükbä tetsür asayar liasü, saka tang Rodman-i ajatetogo.

2025 kum National Women's Soccer League (NWSL) indang salary cap ya team shia \$3.5m (£2.6m) liasü.

Ajisüaka NWSL board of governors-i, December ita 'High Impact Player' özüng tasen ka agizükba ajanga team tem nem criteria kar tongtetba asayatem dak atakzükbä aliba dang nungi alia ano USD million 1 talila entoktsü asoshi temelaba agütsü

"Trinity ya putu ka nung khen adokba asayar ka lir aser tongtibangsa la ya iba club aser tetsür football asaya tarutsü lir," ta Washington Spirit kibur Michele Kang-i ashi.

Rodman-i 2021 kum mezüngbuba club nungi asayaba mapang Spirit puri NWSL Championship akokba nung teyari agütsü aser iba kum la nem NWSL Rookie of the Year narokum agüja liasü.

2022 kum mezüng asayaba sülen la USA team nungi 47 ben asayar lir aser iba mapang lai goal 11 idaktsüogo.

Lai 2024 Paris Olympics nung goal asem idaktsü, kong USA-i gold medal ngua liasü.

Kohima Dynamic-i NBCK Gold Cup kokogo



Kohima, Aenjeti/January 24

(TYO): Kohima Dynamic Cricket Club-i Gold Cup 50-Ball Cricket Tournament kokogo. Iba asayamung ya Rüzühkhrie Government Higher Secondary School Ground, Kohima nung asaya liasü.

Nepali Baptist Church (NBC), Kohima-i ayongzükbä six-a-side tennis ball asayamung ya NBC Hon jubileemung nung shilem ka liasü, kong team 18-i shilem agiogo.

Honibarnü final asaya nung Kohima Dynamic-i run 100 agi Raptors kokogo.

Mezüng batting amenba sülen Dynamic puri ball 50 nung run 188 yanglu. Asaya tanabuba shilem nung Raptors pur batting amenba mapang parnoki run 88 dang yangluteta Dynamic nem run 100 agi asaya kokdaksü.

Asayamung akokba team nem senpet sen 25,000 den takok marok aser medal agütsüogo aser runners up nem

senpet sen 15,000 den marok aser medal agütsüogo.

Iba asayamung atema Man of the Series narokum ya Dynamic Kohima nungi Vishal nem agütsü, shibai run 212 yanglu aser wicket trok agia liasü. Pa nem senpet sen 5000 den takok marok agütsü. Maneni Vishal nemsä Best batsman award agütsü, kong senpet sen 2000 aser takok marok densema liasü. Best bowler (sen 2000 den takok marok) narokum ya Anil Gurung nem agütsü, shibai asayamung tepeyong nung wicket 6 agia liasü.

Semi-final nung tamakok anguba team ya Nepali Baptist Church (NBC) Zubza aser Youngsters CC na liasü.

Final nung man of the match narokum ya Dynamic nungi Tapu nem agütsü, shibai out mesüi run 99 yanglua liasü. Pa nem senpet sen 1000 agütsü, koba 4th NAP Commandant Vizoto Hibo-i agüja liasü.

Asayamung shibangba sentong nung Gorkha Public Panchayat Kohima tir Santu Thapa alakteta jaoker liasü. Sentong nung o jembiba mapang pai asayamung ayongertem nem tenüngsang agütsü aser ashiba agi, kanga kara meleshia aoba lima ka nung iba amala inyakyim ajanga lanurtem dang lenmang shitak sayur.

GPPK tir den Kohima Board Chairman & Convener Golden Jubilee Dr Gopal Basnet, Pastor Jack Thapa aser Golden Jubilee Sports Committee Convener Narayan Bahadur nungeri takoker nem sempet lemja liasü.

Asayamung shibangba sentong ya Convener Golden Jubilee Convener Committee, John Thakuri lenisüba nung agi, taoba NBCK pastor Surjay B Sapkota-i tetenzük sarasadem aser Church Secretary Uttam Thapa nati tatem sarasadem agia liasü.

BILEMDANGANG

"Nüsasa dang na kumzüktettsü."